



歲時廣記卷第四

廣寒僊裔陳

元觀

編

冬

禮記鄉飲酒曰北方曰冬冬之爲言中也中者藏也管子曰冬者陰之畢下伏萬物尸子曰冬爲信淮南子云冬爲權權者所以權萬物也權正而不失萬物乃藏前漢律厯志曰大陰者北方北伏也陽炁伏於下於時爲冬冬終也物終藏乃可稱水潤下智者謀謀者

卷四

重故爲權也又日月令冬三月其日壬癸其帝顓頊其神玄冥其蟲介其音羽其數六其味鹹其臭朽其祀行祭先賢

孟冬月

禮記月令曰孟冬之月日在尾昏危中旦七星中律中應鍾水始冰地始凍雉入大水爲蜃虹藏不見天氣上騰地氣下降天地不通閉塞而成冬

孝經緯曰霜降後十五日斗指乾爲立冬後十

五日斗指亥爲小雪

三統歷曰立冬爲十月節小雪爲十月中氣小雪大雪者以霜雨凝結而雪十月猶小十一月轉大
周書時訓曰立冬之日水始冰後五日地始凍後五日雉入大水爲蜃小雪之日虹藏不見後五日天氣上騰地氣下降後五日閉塞而成冬白虎通德論曰十月律謂之應鍾何鍾動也言萬物應陽而動下藏也

卷四

二

晉樂志云十月之辰謂之亥亥者効也言時陰氣効殺萬物也

夏小正曰十月黑鳥浴黑鳥烏也浴也者謂飛乍上乍下也

詩七月曰十月隕籜又曰十月蟋蟀入我牀下又曰十月穫稻又曰十月納禾稼又曰十月滌場

左傳莊公十六年公父定叔使以十月入曰良月也就盈數焉

西京雜記曰陰德用事則和氣皆陰建亥之月是也故謂之正陰之月又曰十月陰雖用事而陰不孤立此月純陰疑於無陽故亦謂之陽月歐陽公詞曰十月小春梅藥綻至為十一月中纂要曰十月曰立冬

月令曰孟冬行春令則凍閉不密地氣上泄民多流亡行夏令則國多暴風方冬不寒蟄蟲復出行秋令則霜雪不時小兵時起土地侵削

仲冬月

卷四

三

月令曰仲冬之月日在斗昏東壁中旦軫中律中黃鍾冰益壯地始圻鶡旦不鳴虎始交芸始生荔挺出蚯蚓結麋角解水泉動

孝經緯曰小雪後十五日斗指壬為大雪後十五日斗指子為冬至

三統歷曰大雪為十一月節冬至為十一月中

氣

小成立地日棘劍蹤外無題效亦謂之

周書時訓曰大雪之日鶡旦不鳴後五日虎始交後五日荔挺出冬至之日蚯蚓結後五日麋

角解後五日水泉動五日水泉動五日水泉動五日水泉動五日水泉動
白虎通德論曰十一月律謂之黃鍾何黃中和
之色鍾者動也言陽氣動於黃泉之下動養萬
物也
晉樂志曰十一月辰謂之子子者孳也言陽氣
至此更孳生也

夏小正曰十一月王狩言王狩之時也冬獵爲
狩
呂氏春秋曰仲冬命之曰暢月注云暢充也

卷四

四

月令曰仲冬行夏令則其國乃旱氛霧冥冥雷
乃發聲行秋令則天時雨汁瓜瓠不成國有大
兵行春令則蝗蟲爲敗水泉咸竭民多疥癩

季冬月

月令曰季冬之月日在婺女昏婁中旦氏中律
中大呂雁北鄉鵲始巢雉雊雞乳征鳥厲疾冰
方盛水澤腹堅日窮于次月窮於紀星回于天
數將幾終歲且更始
孝經緯曰冬至後十五日斗指癸爲小寒後十

五日斗指丑爲大寒

三統曆曰小寒爲十二月節大寒爲十二月中氣小寒大寒者十二月極寒之時相對爲大小月初爲小寒月半爲大寒也

周書時訓曰小寒之日雁北鄉又後五日鵲始巢又五日雉始雊雁不北向民不懷土鵲不始巢一國不甯雉不始雊國乃大水大寒之日雞始乳又五日鷺鳥厲疾又五日水澤腹堅雞不始乳淫女亂男鷺鳥不厲國不除兵水澤不腹

卷四

五

堅言乃不從

白虎通德論曰十二月律謂之大呂何大大也呂者拒也言陽氣欲出陰不許也呂之爲言拒者旅抑拒難之也

晉樂志曰十二月之辰謂之丑丑者紐也言終始之際故以紐結爲名也

夏小正曰十二月亥駒賁亥駒蟻也賁者走於地中也

纂要曰十二月曰暮冬亦曰抄冬涂月暮節暮

歲窮稔窮紀

盛暑誌曰歲不常神之與中國水

月令曰季冬行秋令則白露蚤降介蟲爲妖四
鄙入保行春令則胎夭多傷國多固疾命之曰
逆行夏令則水潦敗國時雪不降冰凍消釋

剡州六只一色雲

千里雪

韓詩外傳凡草木花多五出雪花獨六出雪花
曰霏雪雲曰同雲同謂雲陰與天同爲一色也
故詩云上天同雲雨雪雰雰

漢書恭記一丈凍

水數三尺賦取一丈

卷四

六

郭義恭廣記北方地寒冰厚三尺地凍一丈

千里雪

楚詞層冰峨峨飛雪千里王逸注云北極常寒
也東坡詩云峨眉山西雪千里謝燮雨雪曲云
峨峨六尺冰飄飄千里雪

千年冰

西京雜記云西伯
不封水寒當難

杜陽雜編順宗卽位年拘弭國貢常堅冰云其
國有大凝山其中有冰千年不釋及齎至京師
潔冷如故雖盛暑楮日終不消嚼之與中國冰

凍無異又神異經云北方有層冰萬里厚百丈
尸子曰朔方之寒冰厚六尺北極左右有不釋
之冰漢五行志云元和間琅邪井冰厚丈餘

紺碧霜

拾遺記廣延國霜色紺碧又云嶸州霜甘也漢
武帝內傳曰仙家上藥有玄霜紺雪

入液雨

瑣事錄閩俗立冬後過壬日謂之入液至小雪
出液得雨謂之液雨無雨則主來年旱諺云液
雨不流籜高田不要作又謂之藥雨百蟲飲此
水而蟄林公弁詩云液雨初生小院寒

復槽水

水衡記黃河水十月名復槽水落復故道也

感凌水

水衡記黃河水十一月十二月名感凌水冰斷
復結感起成層也

寶硯爐

天寶遺事內庫有七寶硯爐一所曲盡其巧每

冬寒硯凍置於爐上硯冰自消不勞置火冬月
帝用之

煖玉鞍

天寶遺事岐王有玉鞍一面每至冬月則用之
雖天氣寒嚴此鞍在座下如有溫火之氣

煖金合

裴劍傳奇進士張無頗過袁天罡女袁大孃受
藥以煖金合盛之曰寒時值出此合則一室暗
熱不假爐炭矣合乃廣利王宮中之寶

卷四

八

卻寒簾

杜陽雜編咸通九年同昌公主下降賜錢五百
萬貫仍罄內庫寶貨以實其宅更賜金麥銀米
數斛堂設連珠之帳續真珠以成也卻寒之簾
類玳瑁班有紫色云卻寒鳥骨所爲也則未知
出何國

卻寒犀

杜陽雜編同昌公主堂中設卻寒犀又綴五色
香囊貯辟寒香前輩詩云辟寒犀外凍雲平

禦寒毯

提要錄 大祖登極九州各貢方物燕國劉大王守光使進禦寒毯一牀

辟寒金

古今詩話噉寒鳥出崑明國形如雀色黃魏明帝時其國來獻餉以眞珠及兔腦常吐金屑如粟宮人爭取爲釵鈿名之辟寒金此鳥不畏寒也宮人相嘲曰不取辟寒金那得帝王心不服辟寒鈿那得帝王憐古樂府云誰似辟寒金聊

卷四

九

借與空牀煖

辟寒香

述異記漢武帝時外國貢辟寒香室中焚之雖大寒必減衣

衣狐裘

呂氏春秋曰衛靈公天寒鑿池言不寒宛春曰君衣狐裘坐熊席四隅有火所以不寒

設罽褥

拾遺記周靈王起昆昭之臺設狐腋素裘紫罽

女禱一人以指彈席上而暄風入室裘禱皆棄
臺下

捏鳳炭

天寶遺事楊國忠以炭屑用蜜捏塑成雙鳳至
冬至日則焰於爐中及先以白檀木鋪于爐底
餘灰不許參雜

天寶遺事置鳳木

杜陽編李輔國嚴凝之時置鳳首木于高堂大
廈中其木高一尺而雕刻如鸞鳳之形和煦之

卷四

氣如二三月故別名常春木

呵牙筆

天寶遺事李白嘗于便殿對明皇撰詔誥時十
月大寒筆凍莫能書字帝敕宮嬪十人侍於李
白左右令冬各執牙筆呵之白遂取而書詔李
白之受聖睠也如此之厚

得玉馬

臧榮緒續晉書新蔡王騰發于并州常山之真
定縣遇天大雪平地數丈融不積騰發恠而掘

之得玉馬高尺許上表獻之藜藿野人立春詩
云玉馬自能消朔雪土牛更爲發春風

炷煖香

雲林昇景志寶雲溪有僧舍盛冬若客至不燃
薪火煖香一炷滿室如春詹克愛題西山禪房
詩云煖香炷罷春生室始信壺中別有天

吐氣火

葛仙翁別傳公與客談話時天寒仙翁謂客曰
居貧不能人人得爐火請作一大火共致煖者
仙公因吐氣火從口中出須臾火滿室客皆熱
脫衣也

煮建茗

開元遺事逸人王休居太白山下日與僧道异
人往還每至冬日取冰敲其精瑩者煮建茗以
供賓客飲之

飲羔酒

提要錄世傳陶穀學士買得黨太尉家故妓遇
雪陶取雪水烹團茶謂妓曰黨家應不識此妓

曰彼粗人安有此景但能于銷金帳下淺酌低
唱飲羊羔酒耳陶默然愧其言東坡詩云試問
高吟三十韻何如低唱兩三杯

作妓圍

天寶遺事申王每冬月苦寒之際令宮女密圍
於坐側以禦寒氣謂之妓圍

搯妓肌

天寶遺事岐王每冬寒手冷不近火惟于妙妓
懷中搯其肌膚爲之煖手

卷四

三

選肉陣

開元遺事楊國忠選婢妾肥大者行列於前令
遮風謂之肉陣

煖寒會

開元遺事巨豪王元寶每冬月大雪之時令僕
夫掃雪爲徑躬立坊前迎揖賓客具酒炙宴之
爲煖寒會

送臘粥

皇朝東京夢華錄十二月都城賣散佛花至初

八日有僧尼三五爲羣以盆盛金銅佛像浸以香水楊柳洒浴排門教化諸大寺作浴佛會并送七寶五味粥謂之臘八粥都人是日亦以果子雜料煮粥而食

省寮火

前漢書冬民旣入婦人同巷相從夜績一月得四十五日以省寮火同巧拙而合習俗也

寮力召反

溫母席

搜神記羅威字德行少喪父事母至孝母年七

卷四

三

十大寒常以身自溫席而後授其母

煖母枕

東觀漢記黃香字文疆江夏安陸人事母至孝每冬寒則身煖枕席夏則扇之使涼東坡詩云願子聚爲江夏枕不勞揮扇自甯親

扣冰魚

孝子傳王祥少有德行事後母至孝盛寒冰凍網罟不施母欲生魚祥解褐扣冰求之忽冰開有雙魚躍出祥獲以奉母時人謂之至孝所致

黃民本後章云臥冰泣竹慰母心

號林筭

楚國先賢傳左臺御史孟宗事後母至孝母性嗜筍及母亡冬節至宗入林哀號而筍生以供祭祀杜甫詩云遠傳冬筍味更覺綵衣春

問歲餘

魏畧董遇好學人從學者遇不肯教云當先讀書百遍而義自見學者云苦暇無日遇曰當以三餘或問三餘之意遇曰冬者歲之餘夜者日

卷四

七

之餘閏者月之餘

又見任彥升策

山谷詩云皇文開萬

卷家學陋三餘東坡詩云酒飽高眠眞事業此生有味在三餘

足文史

漢書方朔自言年十三學三冬文史足用注云貧于冬日乃得學

歲時廣記卷第四

歲時廣記卷第五

廣寒僊裔陳


元靚

編

元旦上

卷五

一



元旦

廣寒僊裔陳

元靚

編

歲時廣記卷第五

以上缺
時之禮也故於此日採椒花以獻尊者
古詞云
金縷探聽春來處又云佳
人重勸千長壽柏葉椒花分翠袖

屠蘇散

歲華紀麗俗說屠蘇者草庵之名也昔有人居
草庵之中每歲除夕遣里閭藥一貼令囊浸井
中至元日取水置於酒樽合家飲之不病瘟疫
今人得其方而不識名但曰屠蘇而已孫真人
屠蘇飲論云屠者言其屠絕鬼炁蘇者言其蘇

卷五

一

省人魂其方用藥八品合而爲劑故亦名八神
散大黃蜀椒桔梗桂心防風各半兩白朮虎杖
各一分烏頭半分咬咀以絳囊貯之除日薄暮
懸井中令至泥正旦出之和囊浸酒中頃時捧
杯呪之曰一人飲之一家無疾一家飲之一里
無病先少後長東向進飲取其滓懸於中門以
辟瘟氣三日外棄於井中此軒轅黃帝神方李
漢老詞云一年適盡蓮花漏翠井屠蘇沉凍酒
洪舍人邁容齋續筆云今人元日飲屠蘇自小

者起相傳已久然固有來處後漢李膺杜密以
黨人同繫獄值元日於獄中飲酒曰正旦從小
起時鏡新書晉董勛云正旦飲酒先飲小者何
也勛曰俗以小者得歲故先酒賀之老者失歲
故後飲殿之初學記載四人月令云正旦進酒
次第當從小起以年小者起唐劉夢得白樂天
元日舉酒賦詩劉云與君同甲子壽酒讓先杯
白云與君同甲子歲酒合誰先白又有歲假內
命酒一篇云歲酒先拈辭不得被君推作少年

卷五

三

人顧況云不覺老將春共至更悲攜手幾人全
還丹寂寞羞明鏡手把屠蘇讓少年裴夷直云
自知年幾偏應少先把屠蘇不讓春儻更數年
逢此日還應惆悵羨他人成文幹云戴星先捧
祝堯觴鏡裏堪驚兩鬢霜好是燈前偷失笑屠
蘇應不得先嘗方干詩云纔酌屠蘇定年齒坐
中皆笑鬢毛班然則尚矣東坡亦云但把窮愁
博長健不辭最後飲屠蘇其義亦然穎濱詩云
井底屠蘇浸舊方牀頭冬釀壓瓊漿

五辛盤

風土記正元日俗人拜壽上五辛盤松柏頰椒
花酒五熏煉形五辛者所以發五臟氣也正一
旨要云五辛者大蒜小蒜韭菜薤薑胡荽是也
孫真人食忌云正月之節食五辛以辟瘴氣孫
真人養生訣云元日取五辛食之令人開五臟
去伏熱衛生必用云非性煖春食補益齊周頤
隱鍾山王儉謂曰山中所食何者最勝曰春初
早韭秋末晚菘庾肩吾詩云聊開柏葉酒試奠
五辛盤 一云五辛薑也

卷五

四

敷于散

葛洪鍊化篇敷于散用柏子仁麻仁細辛乾薑
附子等分爲末元日井花水服之抑陰助陽卻

邪辟疫

一云胡洽方

彈鬼丸

劉氏方彈鬼丸武都雄黃丹砂二兩合前五藥
爲末鎔蠟五兩和圓如彈大正旦男左女右佩
之大辟邪氣又有所謂卻鬼丸唐人詩云走鹿

枯風吼夜闌頌花還喜向椒盤人情此日非前
日歲事新官對舊官竹葉莫辭終日醉梅花已
拚隔年看書生但恐寒爲祟不用朱泥卻鬼丹

辟瘟丹

千金方辟瘟丹皂角蒼朮降眞香爲末水圓如
龍眼大朱砂爲衣正旦五更當門焚之禳滅瘟

氣

膠牙餠

荆楚歲時記元日食膠牙餠取膠固不動之義

卷五

五

今北人亦如之白樂天詩云一椽膠牙餠

粉荔枝

金門歲節洛陽人家正旦造雞絲蠟燕粉荔枝
更相餽送古詞云曉日樓頭殘雪盡乍破臘風
傳春信綵燕絲雞珠幡玉勝併歸釵鬢

擘柿橘

瑣碎錄京師人歲旦用盤盛柏一枝柿橘各一
枚就中擘破眾分食之以爲一歲百事吉之兆

登蓬餌

西京雜記漢宮中正旦出池邊盥濯食蓬餌以
祓除邪惡氣

食索餅

歲時雜記元日京師人家多食索餅所謂年飢
飢者或此類

服桃湯

荆楚歲時記元旦服桃湯桃者五行之精能厭
伏邪氣制禦百鬼又風俗通云元日飲桃湯及
柏葉酒

卷五

煎朮湯

皇朝歲時雜記正月一日京城人皆煎朮湯以
飲之并燒蒼朮以辟除疫癘之氣

服灌豆

四時纂要歲旦服赤小豆二七粒向東以灌汁
下可終歲無疾家人悉令飲之

吞鹽豉

皇朝歲時雜記元旦吞鹽豉七粒可令終歲不
誤食蠅子

咽雞卵

風俗通元日食雞子一枚以鍊形也又莊子注云正旦皆當吞生雞子一枚

浴香湯

雜修養書正月一日取五木湯以浴令人至老鬚髮稠黑徐鍇注云道家以青木香爲五香亦名五木道家多以此爲浴海錄碎事云一木五香根梅檀節沉花雞舌葉藿膠薰陸

燒丁香

瑣碎錄樞密王博文正旦四更燒丁香以辟瘟氣取性烈也

燃爆竹

神異經西方深山中有人長尺餘犯人則病寒熱名曰山臊以竹著火中燂焮有聲而山臊驚憚立黃經云此鬼是也俗以爲爆竹起於庭燎不應濫於王者又荆楚歲時記云元日庭前爆竹以辟山臊惡鬼也穎濱除日詩云楚人重歲時爆竹鳴礫礫又王荆公詩云爆竹驚鄰鬼古

詞云南樓人未起爆竹聲聞應在笙歌裏又云竹爆當門庭震門陛也

飾桃人

山海經東海有度朔山上有大桃樹蟠屈三千里其卑枝閒東北曰鬼門萬鬼所出入也上有二神一曰神荼一曰鬱壘主閱領眾鬼之惡害人者執以葦索而用餉虎焉於是黃帝法而象之毆除畢因立桃梗於門戶之上畫鬱樛持葦索以禦凶鬼畫虎於門當食鬼鬼也後漢禮儀

志注云虎者陽物百獸之長能擊鷲鳥食魑魅者也又風俗通云黃帝上古之時有神荼鬱樛兄弟三人性能執鬼於度朔山桃樹下簡閱百鬼之無道者縛以葦索執而餉虎是故縣官常以臘祭夕飾桃人垂葦索畫虎於門以禦凶也又括地圖云桃都山有大桃樹盤屈三千里上有金雞日照此則鳴下有二神一名鬱一名壘並執葦索以伺不祥之鬼得則殺之又立中記云今人正朝作兩桃人立門傍以雄雞毛置索

中蓋示勇也張平子東都賦云度朔作梗守以鬱壘神荼副焉對操葦索李善注云梗桃木人也

畫桃梗

戰國策蘇秦說孟嘗君曰土偶人語桃梗曰今子東國之桃木削子爲人假以丹彩用子以當門戶之癘高誘注云東海中有山名度朔上有大桃樹其枝間東北曰鬼門下有二神人一日余與二曰鬱靄主治害鬼故世刊此桃畫余與

卷五

九

鬱靄正歲以置門戶號之曰桃梗後漢禮儀志注云梗者更也歲終更始受介祉也或曰卽黃帝立桃人之事耳

插桃梧

淮南子詮言訓羿死於桃梧許慎注云梧大杖也取桃爲之以擊殺羿由是以死鬼畏桃今人以桃梗徑寸許長七八寸中分之書祈福禳災之辭歲旦插於門左右地而釘之卽其制也

寫桃版

皇朝歲時雜記桃符之制以薄木板長二三尺
大四五寸上畫神像後貌白澤之屬下書左鬱
壘石神荼或寫春詞或書祝禱之語歲旦則更
之王介甫詩云總把新桃換舊符東坡詩云退
閑擬學舊桃符

造仙木

玉燭寶典元日造桃版著戶謂之仙木以像鬱
壘山桃樹百鬼畏之也

辯茶壘

藝苑雌黃茶壘之設數說不同山海經及風俗
通則曰神荼鬱壘高誘注戰國又曰奈與鬱壘
玉燭寶典直以鬱壘爲山名括地圖又分鬱壘
爲二而無神荼不知當以何說爲是然今人正
口書桃符多用鬱壘神荼古詞云待醉裏小王
書寫副神荼鬱壘

繪門神

荆楚歲時記歲旦繪二神披甲持鉞貼于戶之
左右謂之門神又呂原明歲時雜記云除夕圖

畫二神形傳于左右扉名曰門神戶尉

書聾字

酉陽雜俎元日俗好于門上畫虎頭書聾字謂陰司鬼名可息瘧癘也又讀書舊儀云歲旦儼逐疫鬼立桃人葦索滄耳虎頭等於門所謂滄耳者恐卽聾字之訛也又宣室志云斐漸隱居伊水善洞視鬼物時有道士李君見漸於伊上寓書博陵崔公曰當今制鬼無過漸耳是時朝士咸聞漸耳之說而不審所謂竟書其字於門以辟祟癘後人效之遂至成俗

卷五

十一

貼畫雞

藝苑雌黃古人以正旦畫雞于門七日貼人於帳杜公瞻注歲時記云餘日不刻牛羊狗猪馬之像而二日獨施人雞此則未喻予以意度之正旦畫雞於門謹始也七日貼人於帳重人也

刻明鳥

拾遺記堯在位七年祇支國獻重明鳥似鳳而小云能禳妖災或一歲數來或數歲一來國人

每掃戶以望其集或以金寶刻爲其狀置戶牖間則鬼類自伏今人元日刻爲畫雞於戶上蓋其遺像也

釘麩蛇

歲時雜記京師人以麩爲蛇形又以炒熟黑豆煮熟雞子三物於元日四鼓時用三姓人掘地逐伴以鐵釘各釘三下呪曰蛇行則病行黑豆生則病行雞子生則病行呪畢遂掩埋之

掛兔頭

歲時雜記元旦取兔頭或兼用麩蛇或以竹筒盛雪水與年幡面具同掛門額

斬鼠尾

雜術臘月捕鼠斷其尾正月一日日未出時家長於蠶室祝曰制斷鼠蟲切不得行三祝而置之壁上永無暴鼠

燒鵲巢

四時纂要元旦取鵲巢燒之著厠辟兵極效

取古磚

陳藏器拾遺云正月朝早將物去塚頭取古磚
一口禱呪要斷一年無時瘟懸安大門也

鏤色土

易通卦驗正旦五更整衣冠於家庭中燃爆竹
帖畫雜或鏤五色土於戶上厭不祥也

造華勝

董勛答問禮俗正月一日造華勝以相遺像瑞
圖金勝之形賈充李夫人典誡曰每見時人月
旦花勝交相遺與謂正月旦也李漢老元旦詞
云又喜椒觴到手寶勝裏仍翦金花東坡元日
詩云蕭索東風兩鬢華年年幡勝剪宮花又云
勝裏金花巧耐寒

剪年幡

皇朝歲時雜記元旦以鴉青紙或青絹剪四十
九幡圍一大幡或以家長年齡戴之或貼于門
楣仲殊元日詞云椒觴獻壽瑤觴滿綵幡兒輕
輕剪又云柏觴嫩灑銀幡小

懸葦索

荆楚歲時記元日懸葦索桃棒於門戶上海錄
碎事云南陽葦杖用劉寬蒲鞭事韓詩外傳曰
老蒲爲葦

投麻豆

雜五時書正旦及上元日以赤豆麻子二七粒
置井中辟瘟癘甚效

折松枝

董勛答問禮俗歲首祝椒酒飲畢又折松枝於
戶男一七女二七亦同此義

卷五

取楊柳

蘇氏演義正旦取楊柳枝著戶百鬼不入家

照桑果

齊民要術正旦雞鳴時把火遍照五果及桑樹
上下則無蟲時年有桑果災生蟲者元旦照之
免災

嫁棗李

四時纂要元旦日未出時以斧斑駁錐斫棗李
等樹則子繁而不落謂之嫁樹晦日同嫁李則

以石安樹間

採款花

本草圖經款冬花生於冰下十二月正月旦採之傳咸款冬賦序曰余曾逐禽登北山于時中冬冰凌盈谷積雪被崖顧見款冬花焯然始敷華豔當是正於冰下爲花也主效逆古今方用之

忌針綫

歲時雜記京人元日皆忌針綫之工故諺有嬾

卷五

五

婦思正月饑婦思寒食之語

治酒食

李晟傳正歲崔氏女歸甯晟曰爾有家而姑在堂當治酒食以待賓客卽卻之不得進

祝富貴

唐文粹元稹元旦詩云富貴祝來何所遂聰明鞭得轉無機稹自汪云祝富貴鞭聰明皆正旦童稚語

禳長短

歲時雜記小兒生太短者元日五鼓就廁傍偃臥從足倒曳跬步許太長者以木杵拍其頭

賣懾懂

歲時雜記元日五更初猛呼他人他人應之卽告之曰賣與爾懾懂賣口吃亦然

呼畜類

五行書元日向晨至門前呼牛馬雜畜令來仍置粟豆於灰散之宅內云可以招牛馬未知所出

驗牛臥

玉堂閑話正月一日於牛屋下驗牛俱臥則五穀難生苗半臥半起歲中平牛若俱立則五穀大熟

歲時廣記卷第五

歲時廣記卷第七

廣寒僊裔陳

元靚

編

元旦下

會兩禁

古今詞話慶厯癸未十二月十九日立春甲申
元日丞相晏元獻公會兩禁於私第丞相席上
自作木蘭花以侑觴曰東風昨夜回梁苑日腳
依稀添一線旋開楊柳綠蛾眉暗折海棠紅粉
面無情欲去雲間鴈有意飛來梁上燕無情有

卷七

意且休論莫向酒杯容易散于時坐客皆和亦
不敢改首句東風昨夜四字今得三闋皆失姓
名其一曰東風昨夜吹春晝陡覺去年梅蘂舊
誰人能解把長繩繫得烏飛并兔走清香漱灑
杯中酒新眼苗條江上柳樽前莫惜玉顏醜且
喜一年年入手其二曰東風昨夜傳歸耗便覺
銀屏寒料峭年華容易卽凋零春色只宜長恨
少池塘隱隱驚雷曉柳眼初開梅萼小樽前貪
愛物華新不道物新人漸老其三曰東風昨夜

歸來後景物便爲春意候金絲齊奏喜新春願
介香醪千歲壽尋花插破桃枝臭造化工夫先
到柳鎔酥剪綠恨無香且放真香先入酒

入仙洞

夷堅丁志李大川撫州人以星禽術游江淮政
和間至和州值歲暮不盤術正旦日逆旅主人
拉往近郊見懸泉如簾下入洞穴甚可愛因相
攜登隴觀水所注其地少人行陰苔滑足季不
覺隕墜似兩食頃乃坐於草壤上肌膚不少損

卷七

二

魄穴中正黑如夜攀緣不能施力分必死試舉
右手空無所著左手卽觸石壁循而下似有微
徑可步稍進漸明右邊石池荷方爛熳雖飢渴
交攻而花與水皆不可及已而明甚前遇雙石
洞門欲從右入恐益遠乃由左戶而過如是者
三則在大洞中花水亦絕了不通天日而晃耀
勝人間中有石碁局聞誦經聲不見人遠望若
有坐而理髮者近則無所覩俄抵一大林陰森
慘澹淒神寒骨悸怖疾走已出曠野間舉頭見

日自喜再生始緩行見道傍僧寺憇于門僧出
問故皆大驚爭究其說李曰與我一杯水徐當
言之便延入寺具飯悉道所歷僧嘆曰相傳茲
山有洞是華陽洞後門然素無至者李問此何
處曰滁州境今日是何朝曰人日也李曰吾己
墜七日才如一晝耳僧率眾挾兵刃邀李尋故
蹊但怪惡種種不容復進李還歷陽訪舊館到
己暮夜扣戶主人問爲誰以姓名對舉室吐罵
曰不祥不祥李大聲呼曰我非鬼也何得爾遂
啟戶畱數日而歸每爲人話其事或謂之曰爾
亦愚人正旦荷花發詎非仙境乎且雙石洞門
安知右之遠而左可出也李曰方以死爲慮豈
暇念此雖悔之何益

遊星宮

夷堅丙志建昌李氏奉紫姑甚謹一子未娶每
見美女子往來家間遂與狎昵時對席飲酒烹
羊擊鮮莫知所從致父母知而禁之乃閉諸空
室女子猶能來經旬口謂曰在此非樂處盍一

往吾家乎卽攜手出外高馬文輿導從已具促
登車障以帷幔略無所覩不移時到一大城瑤
宮瑤砌佳麗列屋氣候和淑不能分晝夜時時
縱遊他所見珠球甚多粲絢五色挂於椽間問
其名曰此汝常時望見謂爲星者也畱久之一
日凭欄立女曰今日世間正旦也生豁然省悟
私自悼曰我在此甚樂當新歲節不於父母前
再拜上壽得無貽親念乎女已知其意悵然曰
汝有思親之念吾不可復畱汝宜亟還亦宿緣

止此爾命酌酒語別取小襪納其懷戒之曰但
閉目斂手任足所向道上逢奇獸異鬼百靈秘
恠從汝覓物可探懷以一與之切不得過此數
過則無繼矣俟足踏地則到人間然後爲還家
計生泣而訣旣行覺耳旁如崩崖飛湍響振河
漢天風吹衣冷透肌骨巨獸張口銜其祛生憶
女所戒與物卽去俄又一物來如是者殆百數
摸索所攜只餘其一忽聞市聲嘈嘈足亦履地
開目問人乃泗洲也空子一身茫茫不知爲計啟

襍視之正存金鑰匙一箇貨於市得錢二十千
會綱舟南下隨以歸家人相悲喜曰失之數月
矣

遇真人

夷堅志丹陽蘇養直庠居後湖暮年徒太湖馬
跡山紹興甲子十一月中酒病困臥所使村童
持謁扣牀曰有客稱江宣贊欲求見視其謁刺
曰惠州羅浮山水簾洞長生道人江觀潮兩畔
各書詩一句曰富貴易逢日月短此中難遇是

卷七

五

長生蘇悅其語強起延之客曰羅浮黃真人以
君不欲世間聲利姓名已書仙籍命我持丹授
君蘇時年八十矣應之曰庠平生未嘗識真人
且又形骸已壞何以丹爲哉客曰此非五金入
石比蓋真人真氣所化也服之無嫌蘇視之客
衣服侈麗類貴游言辭鄙俗甚惡之冀其速去
曰雖然終不願得也老病缺於承迎當令兒曹
奉陪次客曰我專爲君來君不欲丹當復持以
歸但路絕遠願借一宿明旦晴卽去不然須少

雷也不獲已命館於菊墅時天久晴五更大雨
作蘇憶昨日語頗悔亟邀致具酒未及飲蘇曰
丹可見否客喜便於腰間篋中取授蘇連云且
延一紀藥僅如豆大紫黃色亦不作丸劑客曰
困篤則服之方見奇效凡身有疾但敬想丹力
所行至卽愈餌此者當飛升度世若情欲未畢
故自延一紀壽壽終亦爲仙官矣飲罷遂別去
約五年復來來時君昇於今日蘇以丹并刺字
置笥中歲未盡五日忽大病至除夕氣絕家人

以頂暖不忍斂及明諸子記前事發笥視之藥
故在取投口中須臾卽起灑然若無疾飲啗自
如再令拾刺字并丹貼欲燒末飲之不復見蘇
鬚髮如霜自是其半再黑初建炎中喪右目瞳
子至此亦瞭然後十二年作書與薊林向伯恭
云吾耳中時聞異音羅浮山人期以數年相見
應盡便盡餘不復較十二月往茅山別諸道友
元日衆族歡飲達旦披衣曳杖出門云黃真人
至矣其行如馳婢僕驚奔僅能挽衣裳已立化

矣

乞如願

錄異記廬陵邑子歐明者從賈客道經彭澤湖
每過輒以船中所有多少投湖中見大道之上
有數吏皆著黑衣乘車馬云是青洪君使邀明
過明知是神然不敢不往吏車載明須臾見有
府舍門下吏卒吏曰青洪君感君有禮故邀君
以重送君皆勿取獨求如願耳去果以繒帛贈
之明不受但求如願神大怪明知之意甚惜之

卷七

七

不得已呼如願使隨明去如願者青洪君婢常
使取物明將如願歸所須輒得之數年成富人
意漸驕盈不復愛如願正月歲朝雞初鳴呼如
願如願不卽起明大怒欲捶之如願乃走於糞
上有故歲掃除聚薪足以偃人如願乃於此逃
得去明謂逃在積薪糞中乃以杖捶糞使出又
無出者乃知不能得因曰汝但使我富貴後不
捶汝今人歲朝雞鳴時輒往捶糞云使人富山
谷詩云政當爲公乞如願作牋遠寄君亭湖

荆州

記曰君亭湖卽彭澤湖又謂之彭蠡湖

吞壽丹

稽神錄張武者始爲廬江道中一鎮副將頗以拯濟行旅爲事嘗有老僧過其所武謂之曰師年老前店尙遠今夕止吾廬中可乎僧欣然其鎮將聞之怒曰今南北交戰間諜如林知此僧爲何人而敢畱之也僧乃求去武曰吾業已畱師行又益晚但宿無苦也武室中唯有一牀卽以奉其僧已卽席地而寢盥濯之備皆自具焉

卷七

夜數視之至五更僧乃起而歎息謂武曰少年乃如是耶吾有藥贈子十丸每正旦吞一員可延十年之壽善自愛珍重而去出門忽不見武今爲常州團練副使有識者計其年已百歲常自稱七十輕健如故

服歲丹

麗情集開寶中賈知微遇曾城夫人杜蘭香及舜二妃於巴陵二妃誦李羣玉黃陵廟詩曰黃陵廟前春草生黃陵女兒茜裙新輕舟短楫唱

歌去水遠天長愁殺人賈與夫人別命青衣以
秋羅帕覆定命丹五十粒曰此羅是織女採玉
蠶織成遇雷雨密收之其丹每歲旦服一粒可
保一年後大雷雨見篋中一物如雲烟騰空而
去

獲仙藥

劉貢父詩話黃覺旅舍見一道士共飲舉杯撫
水寫呂字覺乃悟其爲洞賓也懷中出七大錢
三小錢曰數不可益也與藥可數寸許歲旦以
酒磨服可一歲無疾覺如其言至七十餘藥亦
垂盡作詩曰牀頭歷日無多子屈指明年七十
三果以是歲終

知飲饌

逸史李宗回者有文詞應進士舉曾與一客自
洛至關客云吾能先知人飲饌臨正旦將謁華
陰縣令李謂客曰明日到彼得何物喫客撫掌
曰大奇當與公各飲一盞椒葱酒食五般餽飽
不得飯喫李亦未信翌日同見令喜曰二賢衝

寒且速煖兩杯酒來仍著椒葱良久臺盤至有小奴與令耳語令曰總煮來謂二客曰某有小女常言何不令我勾當家事因惱渠檢點作歲飲食適來云有五般餛飩問煮那般某云總煮來逡巡以大碗盛二客食盡忽報敕使到舊例合迎令忙鞭馬而去客出而僕已結束先行數里二客大笑登途竟不得飯喫异哉飲啄之分也

作齋會

卷七

十

歲時雜記僧家以冬年爲俗節唯重解結夏日爲受歲又以一夏爲一臘冬正日在京寺院常作大齋會不受賀禪老又頌曰眾人皆拜歲山僧不賀年孟春寒猶在日月幾曾遷大率以齋會爲重

請紫姑

詩詞紀事曹掄者戊子歲旦集會親友先夕雪作至旦尤甚掄請紫姑乞詩運筆不可遏書五十六字云朝元初退紫宸班花落東風響佩環

瑞雪再飛天有意好詩未就我何顏青羅帶露
中流水白玉屏開四面山鶴駕欲歸歸未得水
晶宮闕在人間

祭瘟神

歲時雜記元旦四鼓祭五瘟之神其器用酒食
並席祭訖皆抑棄於墻外

遇疫鬼

夷堅丁志縉雲管樞密師仁爲士人時正旦出
門遇大鬼一陣形見狂惡管叱問之對曰我等
疫鬼也歲首之日當行病于人間管曰吾家有
之乎曰無之管曰何以得免曰或三世積德或
門戶將興又不食牛肉三者有一者我不能入
家無疫患遂不見

化青羊

法苑珠林唐長安市里每歲元日已後遞飲食
相邀號爲傳坐東市筆生趙大次當設之有客
先到見碓上有童女青衫白帽以索繫頸屬于
碓柱泣謂客曰我主人女也往年未死時盜父

母錢欲買脂粉未及而死其錢今在厨舍壁中
然我未用旣以盜之坐此得罪今當償命言畢
化爲青羊白頭客驚告主人主人問其形貌乃
是小女死已二年果厨壁得錢於是送羊僧寺
闔門不復食肉焉

揲蓍卦

夷堅丙志王昇待制素精禮學又傳易象數於
葆光張弼先生占筮如神每歲首月旦輒探蓍
定卦以考一歲一月休咎雖一日亦然宣和中

卷七

十一

爲明堂司令朝廷興伐燕之役發書占之知必
貽後害掛冠歸嚴州結廬于烏龍山下與江逸
侍郎先有中外親建炎四年冬十月江丁家難
王來弔言曰吾處世亦不久矣江曰翁春秋雖
高殊無衰態何遽至爾曰天數已定豈復分毫
可增損耶江曰然則在何時曰正月也先是王
嘗言我已受玉帝敕當爲天地水三官鄉人莫
之信入新歲兩日遣信呼江甚急江猶未卒哭
辭不可往翌日顧其子取所爲禮書親鑄藏之

戒曰勿輕示人更十二年乃可開當以畀江十三官也端坐而絕時年八十餘紹興中造五輅或以其書可用言於時相者詔本郡給筆札繕寫上進距其卒正一紀

求響卜

鬼谷子響卜法竈者五祀之首也吉凶之柄悉歸所主凡有疑慮俟夜稍靜掃灑爨室滌釜注水令滿以木杓一箇頓竈上燃燈二盞一置竈腹一置竈上安鏡一面於竈門邊炷香鏡前叩

卷七

三

齒呪曰維年月日某官敢爇信香昭告於司命竈君之神竊聞福既有基咎豈無徵事之先兆唯神是司以今某伏爲某事中心營營罔知攸措敬於神靜夜移薪息爨滌釜注泉求趨響卜之途恭俟指迷之柄情之所屬神實鑒之某不勝聽命之至禱畢以手撥鍋水令左旋執杓祝之曰四縱五橫天地分明神杓所指禍福攸分祝畢以杓置水之上任自旋自定隨柄所指之處抱鏡出門徐去不得回顧密聽傍人言語纔

聞第一句卽是響卜急歸置鏡牀上細推其意
自合所禱便見吉凶事應後方得言之香燈亦
未得撤去其或杓柄指處無路可行則是所占
有阻別日再占凡穢褻不誠之語則不可占恐
速禍也元旦宜占一歲之休咎

占日干

四時纂要元旦值甲米賤人民疫值乙米麥貴
人病死值丙四日旱人安一云四月旱值丁
絲綿六十日貴值戊粟魚鹽貴又早四十五日
值己稻貴蠶凶多風雨值庚金銅貴禾熟民多
病值辛麻麥貴禾大收值壬米麥賤絹布大豆
貴值癸禾災人疫多雨

決風候

史記天官書正月旦決八風從南方來大旱西
南小旱西方有兵西北胡豆成趣兵北方爲中
歲東北爲上歲東方大水東南民有疾疫歲惡

卜晴雨

占書元旦清明而溫不風至暮蠶善而米賤若

有疾風雨折木發屋揚沙走石絲綿貴蠶敗而穀不成

驗民食

天官書正月旦比數雨率日食一升至七升而極注云月一日雨民有一升之食二日雨民有二升之食如此至七日又數十二日占水旱注云月一日雨則正月水占書云元日溫正月糴賤十二日占十二月取最風最寒之日爲最貴之日

卷七

十五

望氣色

占書元旦四面有黃雲氣其歲大豐四方普熟有青氣雜黃有蝗蟲赤氣大旱黑氣大水

秤江水

鳳臺塵史京師槐放花盛則多河魚疾比北人喬麥熟則早晚霜降罔有差焉江湖間常於歲除汲江水秤與元日又秤重則大水

觀雲霞

占書元旦日初出時有赤雲如霞蔽日蠶凶綿

帛貴四面並有赤雲歲猶善但小旱

認雷鳴

占書元旦雷鳴禾黍麥善又云元旦雷雨者下田與麥善禾黍小熟

聽人聲

史記天官書正月旦聽都邑人民之聲聲宮則歲善吉商則有兵徵旱羽水角歲惡然必察太歲所在金禳水毀木飢火旱此其大經也

受符禁

卷七

共

四時纂要正月朔旦宜受符禁

拜日月

唐書新羅俗以元旦拜日月

占豐歉

西陽雜俎龜茲國十二月及元旦玉及首領分爲兩朋各出一人著甲眾人執瓦石棒杖東西互擊甲人先死卽止以占當年豐歉

卜善惡

堤要錄西域甯遠每元日王及首領判二朋朋

出一人被甲鬪眾以瓦石相及有死者止以卜歲善惡

鬪馬馳

西陽雜俎竈茲國元日鬪羊馬馳爲戲七日觀勝負以占一年羊馬減耗繁息婆羅遮並服狗頭猴面男女無晝夜歌舞

來朝賀

皇朝東京夢華錄正旦 駕坐大慶殿諸國使人朝賀大遼大使頂金冠後簷尖長如大蓮葉

服紫窄袍金蹀躞副使展裏金帶如漢服大使拜則立左足跪右足以兩手著右肩爲一拜副使拜如漢儀夏國使副皆金冠短小樣製緋窄袍金蹀躞弔敦皆义手展拜高麗與南蕃交州使人並如漢儀回紇皆長髯高鼻以匹帛纏頭散披其服于闐皆小金花氍笠金絲戰袍束帶并妻男同來乘駱馳氍毹銅鐸入貢三佛齊皆瘦脊纏頭緋衣上織成佛面又有南蠻五姓番皆堆髻烏氍毹並如僧人禮拜入見旋賜漢裝錦

禩之類更有大理真臘大食等國亦有時來朝賀

改歲首

賢已集唐南詔以寅爲正四時大抵與中國同又環王以二月爲歲首又西趙蠻以十二月爲歲首西戎東女國以十一月爲歲首西戎未祿國以五月爲歲首

孀捏離

武珪燕北雜記每正月一日戎主以糯米飯白

羊髓相和爲團如拳大於逐帳內各散四十九个候五更三點戎主等各於本帳內牕中擲米團在帳外如得雙數當夜動蕃樂飲宴如得隻數更不作樂便令師巫十二人外邊遶帳撼鈴執箭唱叫於帳內諸火爐內爆鹽并燒地拍鼠謂之驚鬼本帳人第七日方出乃禩度之法番呼此謂之孀捏離漢人譯曰孀是丁捏離是日

歲時廣記卷第八

廣寒僊裔陳

元說

編

立春

玉泉記曰立春之日取宜陽金門竹爲管河
內葭草爲灰以候陽氣

出土牛

禮記月令季冬之月命有司大儺旁磔出土牛
以送寒氣注云出猶作也作土牛者丑爲牛牛
可牽上送猶畢也月令章句云是月之會建丑
丑爲牛寒將極故出其物類形像以示送寒之
意且以升陽也

送寒牛

後漢律歷志季冬立土牛六頭於國都郡縣城
外丑地以送大寒又禮儀志云立春之日施土
牛耕人于門外以示兆民也

應時牛

論衡立春爲土象人男女各一秉耒耨或立土
象牛土牛未必耕也順氣應時示率下也

示農牛

刪定月令季冬出土牛以示農耕之早晚說者謂若立春在十二月望前策牛人近前示農早也月晦及正旦則在中示農平也正月望則近後示農晚也其成周之制乎

進春牛

皇朝東京夢華錄立春前一日開封府進春牛入於禁中鞭春開封祥符兩縣置春牛於府前四鼓府僚鞭春訖官屬大合樂燕飲訖辨色卽

卷八

入朝門謝春幡勝

鞭春牛

國朝會要令立春前五日都邑並造土牛耕夫犁具於大門外之東是日黎明有司爲壇以祭先農官吏各具綵仗環擊牛者三所以示勸耕之意

爭春牛

皇朝歲時雜記立春鞭牛訖庶民雜遯如堵頃刻間分裂都盡又相攘奪以至毀傷身體者歲

歲有之得牛肉者其家宜蠶亦治病本草云春
牛角上土置戶上令人宜田

買春牛

東京夢華錄立春之節開封府前左右百姓賣
小春牛大者如猫許清塗板而立牛其上又或
加以泥爲樂工爲柳等物其市在府南門外近
西至御街貴家多駕安車就看買去相贈遺

造春牛

嘉泰事類諸州縣依形色造土牛耕人以立春

日示眾倚郭縣不別造

送春牛

東京夢華錄立春之日凡在外州郡公庫造小
春牛分送諸廳歲時雜記云天下唯真定府土
牛最大

評春牛

藝苑雌黃立春日祀勾芒決土牛其來尙矣然

土牛有二說一曰以送寒氣一曰以示農之早
晚予謂一說可合爲一土爰稼穡牛者稼穡之

具故用之以勸農冬則水用事季冬建丑寒氣極矣土實勝水故用以送寒古人制此良有深意

繪春牛

提要錄春牛之製以太歲所屬綵繪顏色干神繪頭支神繪身納音繪尾足如太歲甲子甲屬木東方青色則牛頭青子屬水北方黑色則牛身黑納音屬金西方白色尾足俱白太歲庚午則白頭赤身黃足尾他並以是推之田家以此占水旱云諺詞云捏箇牛兒體態按年令旋拖五彩鼓樂相迎紅裙捧擁表一箇勝春節屈

鼻牧人

皇朝歲時雜記郡縣每擊春牛罷民間爭取其肉唯牧牛人號太歲皆不敢爭多是守土官昇去置土地廟中閭中以牧人爲大小哥實勾芒神也

纏春杖

歲時雜記春杖子用五綵絲纏之官吏人各二

條以鞭春牛東坡詞云春牛春杖無限春風來
海上

立春幡

續漢書禮儀志立春之日夜漏未盡五刻京都
百官皆衣青郡國縣官下至令史皆服青幘立
青幡於門外陳徐陵新曲云立春歷日自當新
正月春幡底須故

賜春幡

東京夢華錄立春日自郎官御史寺監長貳以

卷八

五

上皆賜春幡勝以羅爲之宰執親王近臣皆賜
金銀幡勝入賀訖戴歸私第周美成內制春帖
子云鸞輅青旂殿閣寬祠官奠璧下春壇曉開
魚鑰朝衣集綵勝飄揚百辟冠

簪春幡

提要錄春日刻青繒爲小幡樣重累十餘相連
綴而簪之亦漢之遺事也古詞云綵縷幡兒花
枝小鳳釵上輕輕斜裊稼軒詞云春已歸來看
美人頭上裊裊春幡陳簡齋春日詩云爭新游

女幡垂鬢山谷詩云隣娃似與春爭道酥酒花
枝剪綵幡

唐人賦一賜春勝

文昌雜錄唐制立春日賜三省官綵勝各有差
謝于紫宸門又續翰林志云立春賜鏤銀飾彩

勝之類

剪春勝

後漢書立春之日皆立青幡今世或剪綵錯繒
爲幡勝以戴于首杜臺卿云公卿之家尤重此

卷八

六

日莫不鏤刻金繒加飾珠翠或以金銀窮極工
巧交相遺問東坡詩云分爲纖手裁春勝況有
新詩點蜀酥

剪春花

唐書景龍四年正月八日立春上令侍臣自芳
林門經苑東度入仗至望春宮迎春內出綵花
樹人賜一枝令學士賦詩宋之問立春詠剪綵
花應制詩云今年春色好應爲剪刀催又周美
成內制帖云明朝春仗當行樂刻燕催花擲萬

金又趙彥若剪綵花詩云花隨紅意發葉就綠
情新

戴春燕

荆楚歲時記立春日悉剪綵爲燕以戴之傳咸
燕賦云四氣代王敬逆其始彼應運而方臻乃
設燕以迎止翬輕翼之岐岐若將飛而未起何
夫人之工巧式儀形之有似銜青書以贊時著
宜春之嘉祉王沂公春帖子云綵燕迎春入鬢
飛輕寒未放縷金衣又歐陽永叔云不驚樹裏
禽初變共喜釵頭燕已來鄭毅夫云漢殿鬪簪
雙綵燕併知春色上釵頭皆春日帖子句也曹
松春詩云綵燕表年時又古詞云釵頭燕妝臺
弄粉梅額故相誇

爲春雞

文昌雜錄唐歲時節物立春則有綵勝雞燕
皇朝歲時雜記云立春日京師人皆以羽毛雞
繒綵爲春雞春燕又賣春花春柳万俟公立春
詞云寒甚正前三五日風將臘雪侵寅綵雞縷

燕已驚春玉梅飛上苑金柳動天津又春詞云
曉月樓頭未雪盡乍破臘風傳春信綵雞縷燕
珠幡玉勝併歸釵鬢

進春書

西陽雜俎北朝婦人立春進春書以青縉爲幟
刻龍象銜之或爲蝦蟇

貼春字

荆楚歲時記立春日貼宜春字于門王沂公

皇帝閣立春帖子云北陸凝陰盡千門淑氣新

卷八

八

年年金殿裏寶字貼宜春周美成內制春帖云
夾輦司花百士人繡楣瓊壁寫宜春

撰春帖

皇朝歲時雜記學士院立春前一月撰 皇帝

皇后夫人閣門帖子送後苑作院用羅帛縷造
及期進入前輩諸學士所撰但宮詞而已及歐
陽公入翰林始伸規諫後人率皆依倣之端午
亦然或用古人詩或後生擬撰作爲門帖亦有
用厭勝禱祠之言者隱居詩話云溫成皇初

薨會立春進帖子是時歐陽王瑀同在翰苑以其虛閣故不進俄有旨令進溫成閣帖子歐陽未能成詩王瑀遽口占一首云昔聞海上有仙山煙鎖樓臺日月閒花下玉容長不老只應春色勝人間歐公深歎其敏麗王瑀字禹玉

請春詞

司馬文正公日錄云翰林書待詔請春詞以立春日剪貼於禁中門帳皇帝閣六篇其一曰口然天造與時新根著浮漚一氣均萬物不須雕

卷八

九

刻巧正如棊已布深仁皇后閣五篇其一曰春衣不用蕙蘭薰領緣無煩刺繡紋曾在蠶宮親織就方知縷縷盡辛勤夫人閣四篇其一曰聖主終朝親萬機燕居專事養希夷千門永晝春岑寂不用車前插竹枝

賜春饌

皇朝歲時雜記立春前一日大內出春盤并酒以賜近臣盤中生菜染蘿蔔爲之裝飾置奩中烹豚白熟餅大環餅比人家散子其大十倍民

問亦以春盤相饋有園者園吏獻花盤

作春餅

唐四時寶鏡立春日食蘆菔春餅生菜號春盤
屏山先生次韻張守立春云曉院簾幃卷春盤
餅餌香慙慙分綵勝□□□□□□□□□□

饋春盤

披遺東晉李鄂立春日命蘆菔芹芽爲菜盤饋
貺江淮人多倣之爾雅曰蘆菔卽蘿蔔也古詩
云蘆菔白玉縷生菜青絲盤老杜詩云春日春

卷八

十

盤細生菜忽憶兩京梅發時盤出高門行白玉
菜傳纖手送青絲

食春菜

齊人月令凡立春日食生菜不可過多取迎新
之意而已東坡詩云漸覺東風料峭寒青蒿黃
韭試春盤又云蓼茸蒿笋試春盤石學士春日
詩云春菜紅牙口春盤黃雀花万俟雅言立春
詞云春盤共飭餠蓮坐慶時新

設酥花

復雅歌詞熙甯入年乙卯楊繪在翰林十二月
立春日肆筵設滴酥花陳汝義卽席賦減字木
蘭花云纖纖素手盤裏酥花新點就對葉雙心
別有東風意思深瓊霑粉綴消得玉堂畱客醉
試嗅清芳別有紅蘿巧袖香

釀柑酒

據言安定郡王立春日作五辛盤以黃柑釀酒
謂之洞庭春色東坡詩云辛盤得青韭臘酒是
黃柑又稼軒立春詞云渾未辨黃柑薦酒更傳

卷八

十一

青韭堆盤

殮冷淘

歲時雜記立春日京師人家以韭黃生菜食冷
淘

進漿粥

齊人月令凡立春日進漿粥以導和氣

尙烹豚

歲時雜記都人立春日尙食烹豚爲之暴貴其
牒切有細如絲者用此爲工巧堂厨供諸公各

一并

忌食齏

歲時雜記俗說立春日食齏者至納婦拜門日腰間有聲如嚼齏然皆以爲戒

浴蠶種

博聞錄閩俗以立春日採五果枝并桑柘枝燒灰淋水候冷以浴蠶種藏之或只以五果置灰汁中亦得但取其成實之義也

辟蚰蜒

卷八

十一

瑣碎錄立春日打春罷取春牛泥撒簷下蚰蜒不上

貯神水

治生要術立春日貯水謂之神水釀酒不壞

占氣候

四時纂要立春日雞鳴丑時艮上有黃氣出乃良氣也宜大豆良氣不至萬物不成應在衝衝乃七月也

驗風雨

占書立春日艮卦用事艮風來宜大豆其日雨傷五穀

望白雲

修真入道祕言以立春日清朝北望有紫綠白雲者爲三元君三素雲也三元君以是日乘入輿之輪上詣天帝子候見當再拜自陳某乙乞得給侍輪轂三過見元君之輦者白日昇天注云不見輿服之形亦宜拜乞之歲時廣紀載此事臣錯舉場嘗試立春日望三素雲詩蓋取此也蘇子容作皇太妃閣春帖子云萬年枝上看春色三素雲中望玉晨許冲元作皇帝閣春帖子云三素飛雲依北極九農星正見南方

移芒兒

成都記 太平興國二年冬縣司以春牛呈知府就午門外安排薦以香燈酒果其芒兒瘞之頗精同判王洗馬晦伯慮觸損闕事移寘廳上知府程給事晚忽見廳角有一土偶問左右對曰春牛芒兒遽令移出仍問何人寘此欲罪之

對云乃同判指搆遂召同判過廳泊見謂曰上
自開封府中至刺史下至縣令皆有衙廳是行
德教政令之所其餘則公廳而已某雖不才忝
爲刺史且芒兒者耕墾之人不合將上廳乃不
佳之兆將來恐村夫輩或有不軌耳至甲午年
果順賊之亂乃其應焉

歲時廣記卷第八

卷八

古

果順賊之亂乃其應焉

果順賊之亂乃其應焉

果順賊之亂乃其應焉

果順賊之亂乃其應焉

果順賊之亂乃其應焉

果順賊之亂乃其應焉

